



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An Missa sit sacrificium, aut testame[n]tum, an promissio remissionis
peccatorum, aut opus bonu[m]. tit. 107

urn:nbn:de:hbz:466:1-29452

tranquillam & placidam agere valeamus in omni pietate & iustitia. Nā hoc salutare est, & acceptū Deo saluatori nostro, qui vult omnes homines saluos fieri, &c. Sic etiam pro statu spirituali, ne sectæ, dissensiones & hereses crescāt inter illos, sicut orat etiam Apostolus Roman. 15. vt Deus det idipsum sapere, &c.

Tertiò, orat sacerdos in Missa pro specialiter commissis personis viuīs & defunctis, dicens: Memento Domine famulorum famularumque tuarum. Sic Beata Monica rogat Augustinum filium, vt illius memoriam habeat circa altare, libr. 9. confessionum. Et Christus Ioan. 14. post cibationem Sacramenti facit longum sermonem & multas habet petitiones in eodem August. Epist. 95. quòd oratio in Missa est efficacissima, quia vnā cum filio in ea coram facie Dei apparemus, ac si quis cum filio regis coram patre appareret, is eo citius exaudiretur & cæt. licet etiam alia suffragia profunt extra Missam, attamen hæc efficacior est: sic quoque orat pro circumstantibus, & circumstantes etiam orant, & se Deo offerunt petentes misericordiam propter Christum. Vndè sacerdos etiam omnes orationes concludit propter Christum.

Ioan. 15. 16 & 17.

AN MISSA SIT SACRIFICIUM, aut testamentum, aut promissio re-

missionis peccatorum, aut opus bonum.

TITVLVS CVII.



Rimò, contra sectarios hoc cum catholica Ecclesia est credendum & tenendū quòd missa sit sacrificium verum, non pœnale crucis & sanguinolentum, sed verum, mysticum, & alio quodam modo, quam erat crucis. Secundo, Missa non est testamentum,

tum, sed noui testamēti confirmatiuum. Tertio, Missa non est promissio remissionis peccatorum, nec remittit peccatū, sed fides, quæ credit in Christū. Quarto, quod Missa sit opus bonum & à Domino præceptum & ordinatum. Hæc omnia tradit Catholica Ecclesia contra sectarios & persecutores Missæ, &c.

Primò, Christus seipsum semel obtulit cruento & pœnali modo in cruce pro peccatis totius mundi & salute omnium fidelium. Hebr. 9. semel introiuit in sancta. Coloss. 2. Delens chirographum, id est, accusationem legis, & affixit illud cruci. Esai. 53. oblitus est. Et 1. Ioan. 2. Ipse est propitiatio pro peccatis nostris, tali modo in æternum non amplius offertur. Roman. 6. Amplius non moritur. hoc solum & vnicum est sacrificium propitiatorium, & manet vsq; in diem nouissimum efficac. Ideo omni die dicimus: Ecce agnus Dei, &c. Ioan. 1. Secundo modo offerimus Christum patri, secundum morem Melchisedech, Psalm. 109. sub speciebus panis & vini, non vt sic nostra oblatio mereatur remissionē peccatorum. (Hoc semper saluum manet illi vnico sacrificio, quo seipsum Christus obtulit) sed ad memoriam illius sacrificij crucis, orando, vt in nobis efficac sit promerita salus per sacrificiū crucis, & nobis impartiat. Sic hoc Christus iussit fieri Lucæ. 22. Hoc facite. Et quia hic est verus Christus, quē offerimus patri in Sacramento, ideò etiam dicitur sacrificium, & est verū & spirituale, &c. Notandum autem est, quod Christus bis se obtulit: Primò, ad promerendam per sanguinem suum salutem toti mundo, Hebr. 9. semel introiuit in sancta sanctorum. Secundò, se obtulit in cruce ad faciendam memoriā peracti sacrificij sui in cruce, idq; sub speciebus panis & vini iuxta morem Melchisedech: & sic secundo modo præcepit nobis, quomodo nunc ipsum offerimus patri: dicitur autem sacrificium, quia idem corpus & sanguis clarificatur. Secundò.

Secundò, non est testamentum Missa, iuxta som-
nium Luteri, quasi sacramentum hoc sit hic dere-
lictum tanquam testamentum Christi, vt quicumque
manducauerit, sit hæres regni, accipiat remissio-
nem peccatorum, &cæt. sed Missa est potius testa-
menti, Euangelij Christi, & omnium actionum Chri-
sti pro nostra salute ratificatiuum, sicut sanguis ani-
malium fuit testamenti veteris ratificatiuus. Exod.

24.
Tertiò, nec promissio remissionis peccatorum
est Missa. Non enim ob manducationem & potatio-
nem est promissa remissio, sed ob traditionem cor-
poris, & sanguinis effusionem est promissa salus
credenti, Romanor. 4. Missa est memoria solùm
Christi passionis, & instituta ad memoriam, Luc. 22.
non ad remissionem peccatorum. Ergo non est sola
promissio. Hæc opinio, docens per potationem &
manducationem eucharistiæ accipere remissionem
peccatorum, est contra intentionem Christi, qui di-
cit solùm esse memoriam &c. sed carnales multum
diligunt hanc opinionem.

Quartò, Missa est bonum opus. Nam obedire De-
o, est bonum opus. At Christus præcipit Luc. 22. Hoc
facite. At dices: Nos solum recipimus, & nihil da-
mus &cæt. Ergo, Respondeo, Quid habes quod non
accepisti? 1. Corin. 4. & nonne fides est opus bonum?
maximè Philipp. 1. Cõfidēs hoc ipsum, quia qui cœ-
pit in vobis opus bonū, &cæt. Et 1. Paralip. 29. Tua
sunt Domine &cæt. Nunquid non elemosyna, &
oratio sunt opera bona? sed etiam illa accepimus. At
tamen nos ea facere iubemur, & faciendo, opus bo-
num facimus, Hæc est fides catholica.

DE VESTIMENTIS AC

ceremonijs Missæ,

TITVLVS CVIII.

Primò